



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-222/22-I
Brčko, 28.02.2022. godine

Z A P I S N I K
sa 233. sjednice Pravosudne komisije Brčko distrikta BiH
održane 28.02.2022. godine, u 08,30 sati sa slijedećim

Dnevni red

1. Usvajanje zapisnika sa 232. redovne sjednice Pravosudne komisije Brčko distrikta BiH
(izvjestilac: Dejan Đurović)
2. Izvještaj o radu Pravosudne komisije Brčko distrikta BiH za period od 01.01.2021. godine do 31.12.2021. godine
(izvjestilac: Safet Pizović)
3. Verifikacija godišnjeg plana rada pravosuđa Brčko distrikta BiH za 2022. godinu
(izvjestilac: Dejan Đurović)
4. Donošenje odluke o imenovanju Komisije za odabiranje arhivske građe i izlučivanje bezvrijednog registratskog materijala u Pravosudnoj komisiji za 2022. godinu
(izvjestilac: Dejan Đurović)
5. Davanje saglasnosti na prijedlog Odluke o imenovanju Komisije za odabiranje arhivske građe izlučivanje bezvrijednog registratskog materijala u Apelacionom sudu Brčko distrikta BiH od 18.2.2022. godine
(izvjestilac: Dejan Đurović)
6. Nominovanje člana Radne grupe za izradu Nacrta zakona o uspostavljanju fonda za obeštećenje žrtava krivičnih djela trgovine ljudima pri Ministarstvu pravde BiH
(izvjestilac: Dejan Đurović)
7. Razmatranje dopisa glavnog koordinatora Vlade Brčko distrikta BiH povodom poslaničkog pitanja poslanika Mehmedalije Karamujića
(izvjestilac: Dejan Đurović)
8. Razmatranje dopisa Visokog sudskog i tužilačkog vijeća BiH od 03.02.2022. godine i izjašnjenje o vrsti reforme izvršnog postupka u BiH
(izvjestilac: Dejan Đurović)
9. Razmatranje dopisa Omladinskog centra „Vermont“ broj: 16-01/22 od 28.01.2022. godine
(izvjestilac: Dejan Đurović)
10. Informacija VSTV-a o zaključcima konferencije „Perspektive reforme parničnog zakonodavstva u BiH“
(izvjestilac: Dejan Đurović)
11. Donošenje odluke o poništenju Javnog konkursa broj: SuPK-01-1149/21 od 06.09.2021. godine u odnosu na pozicije sudski policajac u Sudskoj policiji, arhivar – operater u Osnovnom sudu i vozač – kurir u Tužilaštvu
(izvjestilac: Dejan Đurović)

12. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Dejan Đurović)
13. Imenovanje Komisije za zapošljavanje po raspisanom javnom konkursu broj: SuPK-01-106/22 od 28.01.2022. godine
(izvjestilac: Dejan Đurović)
14. Rang lista s preporukom za izbor pomoćnika sekretara Osnovnog suda Brčko distrikta BiH
(izvjestilac: Dejan Đurović)
15. Rang lista s preporukom za izbor operatera-upisničara izvršenja prekršajnih sankcija u Osnovnom sudu Brčko distrikta BiH
(izvjestilac: Dejan Đurović)
16. Verifikacija rješenja o raskidu ugovora o volonterskom radu s Milenom Ristanić, volonterom u Osnovnom sudu Brčko distrikta BiH
(izvjestilac: Dejan Đurović)
17. Zahtjev Disciplinske komisije za isplatu naknade za rad za mjesec januar 2022. godine
(izvjestilac: Dejan Đurović)
18. Zahtjev disciplinskog tužioca za isplatu naknade za rad za mjesec januar 2022. godine
(izvjestilac: Dejan Đurović)
19. Razno
- Informacija o zakonima u skupštinskoj proceduri

PRISUTNI SU:

1. SAFET PIZOVIĆ, predsjednik Komisije,
2. MATO TADIĆ, predsjednik Ustavnog suda BiH,
3. DAMJAN KAURINOVIĆ, predsjednik Apelacionog suda BD BiH,
4. JADRANKO GRČEVIĆ, predsjednik Osnovnog suda BD BiH.
5. ZEKERIJA MUJKANOVIĆ, glavni tužilac u Tužilaštvu Brčko distrikta BiH,
6. ILINKA GAVRIĆ, pravobranilac u Pravobranilaštvu Brčko distrikta BiH,
7. ENVER TURSUNOVIĆ, član Komisije iz reda građana,
8. VELIBOR JAKIĆ, član Komisije iz reda građana,

Sjednica počela u 08,37 sati.

Konstatuje se da sjednici prisustvuje osam članova Komisije, i da je opravdano odsutan Mirko Trifković, član Komisije iz reda građana Brčko distrikta BiH, te da sjednici prisustvuje i sekretar Komisije Dejan Đurović.

Predsjednik Komisije otvara 233. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza predložene tačke 3. dodaju nove tačke 4 i 5. koje glase: „Tačka 4. Plan rada pravosuđa Brčko distrikta BiH za period 2023-2025“, nova tačka 5. glasi: „Tačka 5. Žalba A. M. protiv Rješenja Disciplinske komisije broj: SuPK-01-1249/21 od 14.01.2022. godine“. Iza nove tačke 8. dodaje se nova tačka 9. koja glasi: „Tačka 9. Nominacija članova i zamjenika članova Radne grupe za izradu nacrtu Zakona o sprječavanju pranja novca i finansiranja terorističkih aktivnosti“. Nadalje, iza nove tačke 9. dodaje se tačka 10. koja glasi: „Tačka 10. Poslaničko pitanje poslanika Damira Bulčevića“. Slijedom predloženih dopuna, numeracija tačaka se pomjera, tako da tačka Razno postaje tačka broj 23.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 232. redovne sjednice Pravosudne komisije Brčko distrikta BiH

Nakon razmatranja zapisnika konstatuje se da je zapisnik sa 232. redovne sjednice Pravosudne komisije usvojeni jednoglasno, bez primjedbi.

2. Izvještaj o radu Pravosudne komisije Brčko distrikta BiH za period od 01.01.2021. godine do 31.12.2021. godine

Predsjednik Pravosudne komisije Brčko distrikta BiH, g. Safet Pizović obrazložio je ukratko Prijedlog Izvještaja o radu Pravosudne komisije Brčko distrikta BiH za 2021. godinu.

Nakon toga konstatuje se da je Komisija jednoglasno usvojila Izvještaj o radu Pravosudne komisije Brčko distrikta BiH za 2021. godinu, bez primjedbi.

3. Verifikacija godišnjeg plana rada pravosuđa Brčko distrikta BiH za 2022. godinu

Nakon obrazloženja, Komisija je jednoglasno verifikovala godišnji plan rada pravosuđa Brčko distrikta BiH za 2022. godinu.

4. Plan rada pravosuđa Brčko distrikta BiH za period 2023-2025 godine

Nakon obrazloženja, Komisija je jednoglasno utvrdila Plan rada pravosuđa Brčko distrikta BiH za period 2023-2025 godine.

5. Žalba A. M. protiv Rješenja Disciplinske komisija broj: SuPK-01-1249/21 od 14.01.2022. godine

Nakon obrazloženja, Komisija jednoglasno donosi sljedeće

Rješenje

Žalba M. A., zaposlenog u Pravosudnoj komisiji Brčko distrikta BiH na radnom mjestu „radnik na prijavnici i obezbjeđenju“, izjavljena protiv rješenja Vijeća disciplinske komisije broj: SuPK-01-1249/21 od 14.01.2022. godine, se odbija.

6. Donošenje odluke o imenovanju Komisije za odabiranje arhivske građe i izlučivanje bezvrijednog registraturskog materijala u Pravosudnoj komisiji za 2022. godinu

Nakon obrazloženja, Komisija je jednoglasno donijela sljedeću

Odluku

O imenovanju Komisije za odabiranje arhivske građe i izlučivanje bezvrijednog registraturskog materijala u 2022. godini

**Član 1
(Predmet)**

Ovom Odlukom imenuje se Komisija za odabiranje arhivske građe i izlučivanje bezvrijednog registraturskog materijala u Pravosudnoj komisiji Brčko distrikta BiH za 2022. godinu (u daljem tekstu: Komisija) u sljedećem sastavu:

1. Rade Mitrović, stručni saradnik u Pravosudnoj komisiji - predsjednik;
2. Željko Lozić, šef finansija pravosuđa – član;
3. Almira Pitnjaković, samostalni referent za finansije i računovodstvo - član;
4. Snježana Jokanović, službenik finansija i računovodstvene službe – član;
5. Nataša Kovač, sekretarica predsjednika/asistent – član;
6. Begzada Bečić, operater-asistent za opšte administrativne poslove – član;
7. Merisa Kevrić, operater-asistent za poslove personalne evidencije i zapošljavanja – član;
8. Milenko Cvijanović, vozač-kurir – član
9. Jokica Peštić, službenik finansija i računovodstvene službe – član;

**Član 2
(Zadaci Komisije)**

Komisija je dužna da, u skladu sa Pravilnikom o kancelarijskom poslovanju Pravosudne komisije, Pravilnikom o arhivskom poslovanju Pravosudne komisije i Listom kategorija sa rokovima čuvanja Pravosudne komisije Brčko distrikta BiH, obavlja sljedeće poslove:

- a) vrši sređivanje i evidentiranje registraturskog materijala i arhivske građe koji su nastali u radu pravosudnih institucija prije formiranja Pravosudne komisije a koji se nalaze u posjedu Pravosudne komisije;
- b) vrši sređivanje i evidentiranje registraturskog materijala i arhivske građe koji su nastali u radu Pravosudne komisije Brčko distrikta BiH;
- c) vrši odabiranje arhivske građe i izlučivanje bezvrijednog registraturskog materijala;
- d) sačini detaljan popis bezvrijednog registraturskog materijala;
- e) provede druge radnje potrebne za uništavanje bezvrijednog registraturskog materijala i sređivanje arhivske građe u saradnji sa Arhivom Brčko distrikta Bosne i Hercegovine.

Član 3 (Organizacija rada Komisije)

- (1) Komisija će svoj rad organizovati van radnog vremena u dane vikenda ili radnim danima nakon isteka redovnog radnog vremena u trajanju od 6 (šest) sati sedmično.
- (2) Za organizaciju rada Komisije zadužen je predsjednik Komisije.

Član 4 (Evidencija o radu)

- (1) Komisija je dužna da o svom radu vodi evidenciju, koju dostavlja predsjedniku Pravosudne komisije Brčko distrikta BiH istekom svakog mjeseca ili ranije na njegov zahtjev.
- (2) Evidencija iz stava (1) ovog člana, koju svojim potpisom ovjeravaju predsjednik Komisije i predsjednik Pravosudne komisije, služiće kao dokaz ispunjenosti uslova za isplatu pojedinačne mjesečne naknade.

Član 5 (Naknada za rad)

- (1) Za obavljanje zadataka iz člana 2. ove Odluke predsjednik i članovi Komisije imaju pravo na novčanu naknadu za rad van radnog vremena, shodno Zakonu o službenicima i namještenicima u pravosuđu Brčko distrikta BiH.
- (2) Novčana naknada iz stava (1) utvrdiće se kao mjesečna naknada u iznosu do 10% prosječne bruto plate zaposlenih u pravosuđu isplaćene za mjesec koji prethodi mjesecu u kojem se isplaćuje naknada.
- (3) Odluku o isplati novčane naknade istekom svakog mjeseca donosi predsjednik Pravosudne komisije Brčko distrikta BiH, srazmjerno efektivnom vremenu provedenom u radu uzimajući u obzir izvještaje o radu iz člana 4. ove Odluke.

Član 6 (Stupanje na snagu)

Ova odluka stupa na snagu danom donošenja.

7. Davanje saglasnosti na prijedlog Odluke o imenovanju Komisije za odabiranje arhivske građe izlučivanje bezvrijednog registraturskog materijala u Apelacionom sudu Brčko distrikta BiH od 18.2.2022. godine

Nakon obrazloženja, Komisija jednoglasno donosi sljedeću

Odluku

Pravosudna komisija Brčko distrikta BiH daje saglasnost na prijedlog Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Apelacionom sudu Brčko distrikta BiH od 18.02.2022. godine.

8. Nominovanje člana Radne grupe za izradu Nacrta zakona o uspostavljanju fonda za obeštećenje žrtava krivičnih djela trgovine ljudima pri Ministarstvu pravde BiH

Nakon obrazloženja, Komisija je razmotrila molbu za nominaciju jednog člana u Radnu grupu za izradu Nacrta zakona o uspostavljanju fonda za obeštećenje žrtava krivičnih djela trgovine ljudima, i jednoglasno odlučila da za člana interesorne radne grupe nominuje Dejana Đurovića, sekretara Pravosudne komisije Brčko distrikta BiH.

9. Nominacija članova i zamjenskih članova Radne grupe za izradu nacrta Zakona o sprečavanju pranja novca i finansiranja terorističkih aktivnosti

Nakon obrazloženja, Komisija je razmotrila molbu za nominaciju članova i zamjenskih članova Radne grupe za izradu nacrta Zakona o sprečavanju pranja novca i finansiranja terorističkih aktivnosti, i jednoglasno odlučila da za člana Radne grupe nominuje Dejana Đurovića, sekretara Pravosudne komisije Brčko distrikta BiH i Merimu Mujkić, stručnog saradnika za pravne poslove evropske integracije, za zamjenskog člana.

10. Poslaničko pitanje poslanika Damira Bulčevića

Nakon obrazloženja, Komisija je razmotrila poslaničko pitanje i dopis poslanika Damira Bulčevića, i jednoglasno donijela zaključak o dostavljanju sljedećih informacija:

NEPLAĆENO ODSUSTVO – ZAPOSLENICI PRAVOSUĐA BRČKO DISTRIKTA BIH

2018. – 2021. godina

<i>Redni broj</i>	<i>Ime i prezime</i>	<i>Institucija</i>	<i>Razlog odsustva</i>	<i>Period trajanja neplaćenog odsustva</i>	<i>Napomena</i>
1.	Vesna Panić	Osnovni sud Brčko distrikta BiH	Radi posjete članu uže porodice koji živi u inostranstvu	od 08.11.2017. do 04.11.2018.	-
2.	Ilva Tadić	Osnovni sud Brčko distrikta BiH	Radi obavljanja neodložnih ličnih i porodičnih poslova	od 08.05.2017. do 01.05.2018.	-
3.	Darko Antić	Osnovni sud Brčko distrikta BiH	Radi obavljanja neodložnih ličnih i porodičnih poslova	od 11.10.2018. do 30.09.2019.	-
4.	Vedrana Stevanović	Osnovni sud Brčko distrikta BiH	Radi posjete članu uže porodice koji živi u inostranstvu	od 07.02.2019. do 06.02.2020.	Radni odnos prestao 05.02.2020. godine, zbog dobrovoljnog istupanja iz službe
5.	Denis Čonda	Osnovni sud Brčko distrikta BiH	Radi obavljanja neodložnih ličnih i porodičnih poslova	24.04.2019. do 13.11.2019.	-
6.	Tanja Miljanović	Osnovni sud Brčko distrikta BiH	1. Radi posjete članu uže porodice koji živi u inostranstvu 2. Radi obavljanja neodložnih ličnih i porodičnih poslova	1. 20.02.2020. do 05.04.2020. 2. 27.12.2021. do 26.12.2022.	-
7.	Miroslav Šemper	Pravosudna komisija Brčko distrikta BiH	Radi njege teško oboljelog člana porodice	od 01.06.2019 do 01.06.2020	-

8.	Marko Vuković	Osnovni sud Brčko distrikta BiH	Radi obavljanja neodložnih ličnih i porodičnih poslova	od 01.10.2020 do 31.10.2020	-
9.	Amira Merić	Osnovni sud Brčko distrikta BiH	Radi posjete članu uže porodice koji živi u inostranstvu	od 30.10.2020 do 29.10.2021	Radni odnos presta 05.11.2011. godine, otkazom
10.	Dejan Đurović	Pravosudna komisija Brčko distrikta BiH	Neplaćeno odsustvo za vrijeme trajanja mandata na poziciji sekretar Pravosudne komisije Brčko distrikta BiH	od 13.09.2021 do završetka mandata	-
11.	Vrebać Željko	Pravosudna komisija Brčko distrikta BiH	Radi posjete članu uže porodice koji živi u inostranstvu	Od 05.10.2021. do 06.01.2022	-

11. Razmatranje dopisa glavnog koordinatora Vlade Brčko distrikta BiH povodom poslaničkog pitanja poslanika Mehmedalije Karamujića

Nakon obrazloženja, Komisija je razmotrila navedeno poslaničko pitanje i jednoglasno donijela zaključak o dostavljanju sljedećih informacija:

Pravosuđe Brčko distrikta BiH u svom sastavu ima organizovanu službu za održavanje higijene koju čini 14 (četrnaest) stalno uposlenih djelatnika. Za bruto plate i naknade tokom 2021. godine, za potrebe održavanja čistoće objekata i vanjskog prostora koji se nalazi u sastavu objekata, utrošeno je 165.571,51 KM.

U 2022. godini, za potrebe održavanja čistoće, u budžetu za pravosuđe planirano je 165.168,62 KM.

Poslove obezbjeđenja i čuvanja objekata u pravosuđu vrši služba za tehnički nadzor i fizičko obezbjeđenje u kojoj je stalno uposleno 9 (devet) djelatnika za čije je bruto plate i naknade tokom 2021. godine utrošeno 153.547,50 KM.

U budžetu za pravosuđe za 2022. godinu, za poslove obezbjeđenja i čuvanja objekata, planirano je i odobreno 153.864,15 KM.

Imajući u vidu da pravosuđe u svom sastavu ima službu za održavanje čistoće, kao i službu za tehnički nadzor i obezbjeđenje objekata, angažovanje osoba po osnovu ugovora o posebnima poslovima nikada nije vršeno.

12. Razmatranje dopisa Visokog sudskog i tužilačkog vijeća BiH od 03.02.2022. godine i izjašnjenje o vrsti reforme izvršnog postupka u BiH

Nakon obrazloženja, Komisija je razmatrajući dopis Visokog sudskog i tužilačkog vijeća BiH od 03.02.2022. godine i izjašnjenje o vrsti reforme izvršnog postupka u BiH jednoglasno donijela zaključak da Pravosudna komisija Brčko distrikta BiH ostaje kod svog stava da podržava reformu izvršnog zakonodavstva u pravcu izmještanja faze provođenja izvršenja sa sudovima na profesionalne izvršitelje.

Pravosudna komisija nalazi da bi za Brčko distrikt BiH najprihvatljiviji model bio onaj koji bi podrazumjevaao da se izvršni postupak uredi kroz dva stadijuma. Prvi stadijum bi bio u isključivoj nadležnosti suda, obuhvatao bi podnošenje prijedloga za izvršenje na osnovu izvršne ili vjerodostojne isprave, odlučivanje suda o prijedlogu za izvršenje, donošenje rješenja o izvršenju, odlučivanje o prijedlogu za promjenom predmeta i sredstava izvršenja kao i odlučivanje o prigovorima i žalbama. Drugi stadijum izvršnog postupka bi bio postupak provođenja izvršenja, koji bi otpočeo dostavljanjem izvršnog rješenja o izvršenju postupajućem profesionalnom izvršitelju. Sama organizacija profesionalnih izvršitelja u Distriktu mogla bi se organizovati po ugledu na rješenje koje je pronađeno za delegiranje ostavinskih postupaka notarima i nalazimo da bi se i provođenje izvršenja moglo delegirati na ovakav način.

Pravosudna komisija bi svoj doprinos u budućnosti mogla dati kroz nastavak učešća u radu Radne grupe za izvršni postupak, te kroz implementaciju utvrđenih zakonskih rješenja u pravni sistem Distrikta, kroz izradu prijedoga zakona i njegovog upućivanja u skupštinsku proceduru.

13. Razmatranje dopisa Omladinskog centra „Vermont“ broj: 16-01/22 od 28.01.2022. godine

Nakon obrazloženja, Komisija je jednoglasno razmotrila predmetni dopis i konstatovala da Pravosudna komisija Brčko distrikta BiH nije nadležna za nadzor i kontrolu nad radom Komisije za odobravanje projekata/programa Brčko distrikta BiH, a sve u skladu sa odredbom člana 14 Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07, 02/08, 04/21 i 06/21).

Odredbom člana 14 Zakon o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07, 02/08, 04/21 i 06/21) propisano je da Pravosudna komisija Brčko distrikta BiH obezbjeđuje nezavisnost Osnovnog suda, Apelacionog suda, Tužilaštva Brčko Distrikta, Kancelarije i Pravobranilaštva, obezbjeđuje stručno usavršavanje sudija, tužilaca, pravobranioca, advokata Kancelarije, i stručnih saradnika u pravosuđu i Tužilaštvu Distrikta, imenuje i razrješava pravobranioca, njegove zamjenike, direktora Kancelarije i advokate Kancelarije, stručne saradnike, pripravnike, te službenike i namještenike u Osnovnom i Apelacionom sudu, Tužilaštvu Distrikta, Kancelariji i Pravobranilaštvu Brčko distrikta BiH.

Shodno prednje navedenom, proizilazi da davanje odgovora na vaš upit, koji podrazumijeva pitanja koja se odnose na kontrolu i nadzor nad radom organa uprave, izlazi van okvira nadležnost Pravosudne komisije Brčko distrikta BiH.

Ovim putem vam ukazujemo da ukoliko imate bilo kakve sumnje u zakonitost raspisivanja javnog poziva i proceduru bodovanja projekata u javnoj upravi Brčko distrikta BiH, možete se obratiti Upravnoj inspekciji Brčko distrikta BiH ili Tužilaštvu Brčko distrikta BiH, kao i tijelima koja u okviru svoji ovlaštenja mogu da vrše kontrolu zakonitosti rada organa uprave.

14. Informacija VSTV-a o zaključcima konferencije „Perspektive reforme parničnog zakonodavstva u BiH“

Nakon obrazloženja, konstatuje se da je Komisija jednoglasno primila k znanju Informaciju VSTV-a o zaključcima konferencije „Perspektive reforme parničnog zakonodavstva u BiH“.

15. Donošenje odluke o poništenju Javnog konkursa broj: SuPK-01-1149/21 od 06.09.2021. godine u odnosu na pozicije sudski policajac u Sudskoj policiji, arhivar – operater u Osnovnom sudu i vozač – kurir u Tužilaštvu

Nakon obrazloženja, Komisija je jednoglasno donijela sljedeću

O D L U K U

o djelimičnom poništenju javnog konkursa broj: SuPK-01-1149/21 od 06.09.2021. godine

Član 1.

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-1149/21 od 06.09.2021. godine, raspisan od strane Pravosudne komisije Brčko distrikta BiH, u dijelu koji se odnosi na pozicije:

1. Sudski policajac u Sudskoj policiji Brčko distrikta BiH (na neodređeno vrijeme)
..... 1 (jedan) izvršilac,
2. Arhivar – operater u Osnovnom sudu Brčko distrikta BiH (na neodređeno vrijeme)
..... 1 (jedan) izvršilac,

3. Vozač – kurir u Tužilaštvu Brčko distrikta BiH (na neodređeno vrijeme) 1 (jedan) izvršilac.

Član 2.

Javni konkurs za poziciju pod rednim brojem 1. iz člana 1. ove Odluke, djelimično se poništava iz razloga što niko od kandidata nije ispunio uslove propisane javnim konkursom, u skladu sa odredbom člana 35. stav (1) tačka b), a za pozicije pod rednim brojevima 2. i 3 iz razloga što niko od intervjuisanih kandidata nije dobio minimalan broj bodova utvrđenih Pravilnikom o zapošljavanju, u skladu sa odredbom člana 35. stav (1) tačka c) Zakona o službenicima i namještenicima u pravosuđu Brčko distrikta BiH.

Član 3.

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

16. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću odluku o raspisivanju

JAVNOG KONKURSA ZA POPUNJAVANJE UPRAŽNJENIH RADNIH MJESTA U PRAVOSUĐU BRČKO DISTRIKTA BIH

1. Referent-operator-asistent u Osnovnom sudu Brčko distrikta BiH, (na neodređeno vrijeme)1 (jedan) izvršilac,
2. Arhivar - operater u Osnovnom sudu Brčko distrikta BiH, (na neodređeno vrijeme)1 (jedan) izvršilac.

Prijave na konkurs podnose se od 03.03.2022. godine do 17.03.2022. godine.

17. Imenovanje Komisije za zapošljavanje po raspisanom javnom konkursu broj: SuPK-01-106/22 od 28.01.2022. godine

Nakon obrazloženja i provedene diskusije, Komisija je jednoglasno donijela sljedeću

O D L U K U

o imenovanju komisija za zapošljavanje po javnom konkursu broj:
SuPK-01-106/22 od 28.01.2022. godine

I Imenuje se Komisija za zapošljavanje predsjednika Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade Brčko distrikta BiH (na neodređeno vrijeme), u sastavu tri člana:

1. Dragan Tomaš, predsjednik,
2. Mirela Azapović, član,
3. Smajila Kikić, član.

18. Rang lista s preporukom za izbor pomoćnika sekretara Osnovnog suda Brčko distrikta BiH

Nakon obrazloženja i provedene diskusije, konstatuje se da je Komisija u skladu sa odbredbom člana 38. Zakona o službenicima i namještenicima Brčko distrikta BiH jednoglasno potvrdila izbor Vladimira Zarića, kandidata koji je ostvario najveći broj bodova, nakon provedene procedure za izbor „pomoćnika sekretara u Osnovnom sudu“.

19. Rang lista s preporukom za izbor operatera-upisničara izvršenja prekršajnih sankcija u Osnovnom sudu Brčko distrikta BiH

Nakon obrazloženja i provedene diskusije, konstatuje se da je Komisija u skladu sa odbredbom člana 38. Zakona o službenicima i namještenicima Brčko distrikta BiH jednoglasno potvrdila izbor Amine Jahić, kandidata koji je ostvario najveći broj bodova, nakon provedene procedure za izbor „operatera-upisničara izvršenja prekršajnih sankcija u Osnovnom sudu“.

20. Verifikacija rješenja o raskidu ugovora o volonterskom radu s Milenom Ristanić, volonterom u Osnovnom sudu Brčko distrikta BiH

Nakon obrazloženja, Komisija je jednoglasno verificovala rješenje o raskidu ugovora o volonterskom radu s Milenom Ristanić, volonterom u Osnovnom sudu Brčko distrikta BiH.

21. Zahtjev Disciplinske komisije za isplatu naknade za rad za mjesec januar 2022. godine

Nakon obrazloženja i provedene diskusije, Komisija je jednoglasno donijela sljedeću

O D L U K U

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec januar 2022. godine

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200- Naknade troškova zaposlenih, izvrši isplatu naknade za rad:

- Samiru Beganoviću, predsjedniku Disciplinske komisije, iznos od 152,57 KM,
- Dejanu Đuroviću, članu Disciplinske komisije, iznos od 152,57 KM,
- Sanji Ilić Čerkezović, članu Disciplinske komisije, iznos od 152,57 KM,
- Radetu Mitroviću, zapisničaru Disciplinske komisije, iznos 61,03 KM.

22. Zahtjev disciplinskog tužioca za isplatu naknade za rad za mjesec januar 2022. godine

Nakon obrazloženja i provedene diskusije, Komisija je jednoglasno donijela sljedeću

O D L U K U

o isplati naknade zamjeniku disciplinskog tužioca za mjesec januar

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 – naknade troškova zaposlenika, izvrši isplatu naknade za rad Huseinu Džafiću, zamjeniku disciplinskog tužioca, iznos od 152,57 KM.

23. Razno

- Informacija o zakonima u skupštinskoj proceduri

Sekretar Komisije je informisao članove Komisije da je Zakon o izmjeni Zakona o stečaju Brčko distrikta BiH upućen u skupštinsku proceduru i nalazi se na dnevnom redu 21. sjednice Skupštine Brčko distrikta BiH, zakazane za 02.03.2022. godine.

Takođe, naglasio je da Prijedlog Zakona o dopunama Zakona o platama i naknadama zaposlenih u pravosuđu Brčko distrikta BiH poslan zajedno sa predhodno navedenim zakonom ali nije uvršten na dnevni red sjednice Skupštine Brčko distrikta BiH.

Enver Turunović, član Komisije iz reda građana, postavio je pitanje o iznosu troškova za pritvorena i zatvorena lica, u pritvorima i zatvorima Federacije BiH i Republike Srpske, te je Komisija jednoglasno za sledeću sjednicu zadužila Stručnu službu Komisije da pripremi informaciju o predmetnom pitanju.

Ilinka Gavrić, pravobranilac Brčko distrikta BiH i član Komisije, predložila je da se za sledeću sjednicu pripremi regulisanje radno-pravnog statusa pravobranioca Brčko distrikta BiH i direktora Kancelarije za pravnu pomoć Brčko distrikta BiH, te je Komisija jednoglasno zadužila Stručnu službu Komisije da pripremi analizu člana 73. Statuta Brčko distrikta BiH.

Kako se više niko nije javio za riječ, 233. redovna sjednica završena je u 9,53 sati.

Zapisnik vodila
Nataša Kovač

Predsjednik
Pravosudne komisije

Safet Pizović

